

ՕՏԱՐ ԵԿԵՂԵՑԻՆԵՐ

Ռ Ո Ւ Ս Ա Ց Ե Կ Ե Ղ Ե Ց Ի

Միջօրացոյիս Մակարիյի իւր թեմ դառնալը: Ռուսաց Սինօդի Աւագ Դատախազ Վօլփինի զեկուցման հիման վերայ, ապրիլի 21-ին թագաւոր կայսրը բարեհաճել է Սինօդի նիստերին յաճախող, Սինօդի անդամ և Մոսկուայի միտրօպոլիտ Մակարիյին արտօնել, Սինօդի առաջիկայ նստաշրջանի նիստերին յաճախելուց ազատ կացուցանել և իւր թեմն վերադառնալ:

* *

Ռուսաց թեմերի յաւելումն:—Ռուսաց Սինօդում առանձին մի Յանձնաժողով զբաղուած էր ներկայ թեմերի թիւն աւելացնելու և փոխ-թեմակալների նոր աթոռներ հաստատելու խնդրով: Իբրեւ հետեանք այդ զբաղումների մտադրութիւն կայ Ռոստովում Դ/վ նոր թեմական աթոռ հաստատել:

* *

Մոսկուայի թեմակալի օգնական Տրիֆոն կալիսկոպոսին հանգստութեան վիճակ յատկացնելուց յետոյ, իբրեւ նորա յաջորդ մտադրութիւն կայ հրաւիրելու Վոստորգով աւագ քահանային, որ վանականութիւն կընդունէ:

* *

Միսի բարեբորոգութեան խնդիրը:—Ռուսական համայնքի ներքին կեանքի բարենորոգութեան Յանձնաժողովի կազմած ծրագիրը, ինչպէս երևում է, Սինօդի մի քանի անդամների և թեմակալ առաջնորդների կողմից անընդունելի և անիրազարժիլ է համարուում: Նորա միջնորդութիւն են յարուցել Սինօդի Աւագ-Դատախազ Ա. Ն. Վօլփինի միջոցով յետ վերցնելու Պետական Դումայ մայրածօրէնադրութեան այդ ծրագիրը: Այդ միջնորդութեան մէջ մատնացոյց է արած, որ եկեղեցական բարենորոգութիւնների իրականացումն ու կեանքի մէջ մուծելը պատճառ կլինի, որ քահանայական դասն ամբողջովին փախուստի կգիմէ իրենց այժմեան ծխերից: Բազմաթիւ թեմերի մէջ, հարցադնդումներ են կղած

գործակալների միջոցով, այդ խնդրի նկատմամբ, և նոքա ամենքն ևս այն կարծիքն են յայտնել, որ համայնքների ստուար մեծամասնութիւնն այդ իրաւունքներն ստանալուց յետոյ՝ դժուար թէ ընտրէ իրենց այժմեան հովիւներին:

Այն ինչ, — ասուած է միջնորդութեան մէջ, — այդ քահանաները Դումայի անդամներ ընտրելու ժամանակ Կառավարութեան էական ծառայութիւններ են մատուցել և ընտրել են տուել չափաւոր — քաղաքական ծրագիրներ ունեցող պատգամաւորներ: Այդ հանգամանքը, ըստ բարեկարգիչ քահանաների կարծիքի, որոնց հետ միանում է նաև թեմակալ առաջնորդների կարծիքը, այժմեան ծխական հոգևորականութեան համար շատ ծանր պայմաններ կստեղծի, եթէ Դումայի մշակած համայնքի օրինագիծն ընդունի և անցնի: Մի կողմից ընտրելի հոգևորականները պէտք է համակերպին իրենց ծխի քմքին, իսկ միւս կողմից ի նկատի ունենան իրենց անմիջական, հոգևոր իշխանութեան պահանջները:

Այս նկատումներով Ս. Սինօզը կարևոր է համարել կազմել մի առանձին խորհրդակցութիւն Սինօզի տնտեսական մասի Կառավարիչ Օսէցկու նախագահութեամբ՝ պարզելու թեմական իշխանութեան հայեցակէտն ապագայ բարենորոգութիւնների հարցի նկատմամբ: Խորհրդակցութիւնն առ այժմ մշակել է առանձին հարցերի մի թերթ, որ կուղարկուի ծխական քահանաներին նոցանից լիովին պատասխաններ ստանալու զանազան հարցերի ու խնդիրների մասին, որպիսի հարցերի մէջ մտնում է նաև իրենց ծխականների ընդթափանցի որակումը: Եթէ այդ հարցութործի թերթերի հետեանքները բացասական լինին հոգևորականութեան կողմից, այն ժամանակ ենթադրում է, թէ Սինօզը յետ կապահանջէ Պետական Դումայից ապագայ բարենորոգումների ծրագիրը մինչև նորա հաստատութիւն գտնելը, որին, ինչպէս յայտնում են, արդէն նախարարների խորհրդի նախագահն իւր համաձայնութիւնն է տուել սկզբունքային տեսակէտով:

* * *

Եպիսկոպոսական ժողով ծխի բարենորոգութիւնների համար: — Սինօզի նախադրամ կիւի Միտրօպօլիտ Վլադիմիրի անունով եպիսկոպոսների ժողովի կողմից ստորագրած է հեռագիր, որին ստորագրել են Վլադիմիրի եպիսկոպոս Ալէքսիյ, Ռեազանի եպիսկոպոս Դմիտրիյ, Վօլօգօդի եպիսկոպոս Ալէքսանդր, Կոստրոմայի եպիսկոպոս Եւգենիյ, Մուրոմի եպիսկոպոս Միտրոֆան, Իւրևի եպիսկոպոս Եւգենիյ, Սուդզալի եպիսկոպոս Պաւել, Վլադիմիրի հոգևոր դպրոցի տեսուչ աւագ-քահանայ Բօգօսլովսկիյ, մայր ե-

կեղեցու աւագ-քահանայ Ֆիլիպինսկիյ, այլ և 7 աւագ-քահանայ և երեք քահանայ, հետեւալ բովանդակութեամբ.

«Վլադիմիրում ժողովուած արքեպիսկոպոսները, քահանայները և աշխարհիկ անձեր երկար, ուշադիր և բազմակողմանի քննադատութեան ենթարկելով Պրովօսլաւ եկեղեցու բարենորոգութեան հետ կապուած հարցը, եկան միաբան եզրակացութեան, որ համայնական կեանքին կենդանութիւն ներշնչելու խնդիրը պէտք է կապուած լինի միայն աստուածաշտուութեան բարելաւման, եկեղեցական երգեցողութեան կանոնաւորման, հոգևորականների անդուլ կենդանի քարոզչութեան, եկեղեցական-ծխական բարեգործական շրջանի ընդլայնման, ինչպէս և ծխի լուսաւորութեան դաստիարակութեան գործին ծառայող հաստատութիւնների առարկաներին: Իսկ ծխականներին իրենց սեփական ընտրութեամբ եկեղեցական դասի ընտրութեան, եկեղեցու դրամի և կալուածների կարգադրութեան հարցերի նկատմամբ ժողովն այն եզրակացութեան եկաւ, որ դոքա կործանիչ կարող են լինել եկեղեցու բարեկարգութեան տեսակէտից: Եկեղեցու տեսակէտից այս կարևոր, օգտաւէտ և անհրաժեշտ հարցերի նկատմամբ արքեպիսկոպոսների, հոգևորականների և աշխարհիկների ժողովը անհրաժեշտ ճանաչեց բուն-եկեղեցական բարենորոգութիւնների օրէնսդրական ուրուագիծը միանգամայն հանել ոչ-դաւանական Պետական Դումայի իրաւասութիւնից և այն կենդրոնացնել միայն եկեղեցու օրէնսդրական իշխանութեան ձեռքը»:

Արքեպիսկոպոսների և քահանաների այդ հեռագիրը, ուղղուած Կիևի միաբնակչութեան և Սինօդի նախանդամ Վլադիմիրին, ինչպէս ասում են, կապ ունի Սինօդի Աւագ-դատախազի Սուզկալի ճանապարհորդութեան հետ:

Ա. Ն. Վօլփինի Վլադիմիր և Սուզկալ եղած ժամանակ մասնաւոր խորհրդակցութիւն է կատարուած, նորա մասնակցութեամբ, արքեպիսկոպոսների շրջանում, ուր և որոշուած է հեռագրի առաքման հարցը:

Պրովօսլաւ եկեղեցու ծխի օրինագծի հարցը վերջնականապէս կլուծուի մօտ ժամանակներս: Աւագ-դատախազը մինչև այժմ դեռ ևս Պետական Դումայից յետ չէ վերցրել Սինօդի առաջարկած օրինագիծը: Անձնական նորա հայեցակէտը հակառակ չէ այն տեսակէտին, որ հոգևորականութիւնը ընտրուած լինի ծխի կողմից և որ համայնքն իրաւունք ունենայ եկեղեցու գոյքի վերայ կարգադրութիւններ անելու: Այս վերջին խնդիրների նկատմամբ Սինօդի անդամների և Աւագ-դատախազի հայեցակէտերը կատարելապէս իրար համաձայն են:

Պետրոգրադի միաբնակչութեան Պետերիմն է միայն, որ ըստ ա-

մենայնի կողմնակից է Պետական Դումայի մշակած փոփոխութիւններին: Ծխի իրաւասութեան հարցը, հաւանօրէն, կորոշուի Սինօդի մօտ նիստերից մէկում:

Կարող է և այսպիսի ձեակերպութիւն ստանալ. միջին ճանապարհ բռնած լինելու համար.— Ծրագիրը կը բաժանուի երկու մասի, և այն հարցերը, որ բուն եկեղեցական ինդիքներին են վերաբերում, գուցէ Սինօդի կազմած ծրագրով օրէնսդրական բնոյթ կստանան 87 յօդ. հիման վերայ, իսկ մնացածը՝ սովորական օրէնսդրական հղանակով: Այդ միջին ճանապարհը, որի հեղինակն է համարւում աւագ-գատախաղ Ա. Ն. Վօլփինը, ընդունուած է, ի նկատի ունենալով, մի քանի ազդեցիկ արհիւնիք բռնած հակառակ դիրքը դէպի օրինաւոր, որոնք Սինօդի նիստերից մէկում, մասնաւոր խորհրդակցութեամբ, եկել են այն եզրակացութեան, որ եթէ Դումայի փոփոխութիւնները ընդունուելու լինեն, իրենք ստիպուած կլինեն միջնորդելու, որ ազատ համարուեն Սինօդի անդամակցութեան պարտաւորութիւնից:

* *

Միտրոպոլիտ Մակարիյ բոլորովին հեռանում է գործերից:— Մոսկուայի միտրոպոլիտ Մակարիյի հանգստութեան ելնելու հարցը վճռուած է վերջնականապէս:

Ինչպէս հաղորդում են, միտրոպոլիտ Մակարիյ այդ հարցը յարուցել էր աչքի առաջ ունենալով այն ճնշումը, որ առաջ էր եկել Սինօդի կողմից նորա վերայ, հ. Վաստորդովի գործի նկատմամբ:

Բացի դրանից միտրոպոլիտ Մակարիյի հանգստութեան քաշուելու որոշման վերայ պակաս ազդեցութիւն չէ ունեցել Սինօդի՝ հ. Վաստորդովին արժանացնել հպիսկոպոսական աստիճանի, նշանակելով Մոսկուայի թեմի քորեպիսկոպոս, իրաւունք տալով միտրոպոլիտի բացակայութեան ժամանակ կառավարել միտրոպոլիտական գործերը: Սինօդը Մոսկուայի թեմակալի այդ հարցի առաջին քննութեան ժամանակ հակառակ եզրակացութեան էր եկել: Այն ժամանակ միտրոպոլիտ Մակարիյ հարցին տուել էր սուր կերպարանք,—կամ նորա միջնորդութիւնը պէտք է յարգուի և կամ ինքը հրաժարական կը տայ և պաշտօնից կը քաշուի Սինօդի աւագ-գատաղի առաջարկութեամբ բռնուած է միջին ճանապարհ.—տալ հ. Վաստորդովին հպիսկոպոսական աստիճան և նշանակել նորան Մոսկուայի թեմի քորեպիսկոպոս, առանց իրաւունք տալու վարել Մակարիյ միտրոպոլիտի բացակայութեան ժամանակ նորա գործերը:

* *

Մոսկուայի թեմի աւագ փոխ-թեմակալ, Դմիտրովսկիյի առաջնորդ, Տրիֆոն եպիսկոպոսը, հրաժարուամ է պաշտօնից և քաշուամ հանգստութեան և, արդէն, նշանակուած Սինօդին անմիջապէս ենթակայ նոր երուսաղէմ կոչուած Վասկրեսենսկիյ ստաւրոպիգիալ (Ставропигіальн.) վանքի կառավարիչ:

Պատերազմի շրջանում կրած նեղութիւնների պատճառով առողջութիւնը բոլորովին քայքայած լինելով, նա ստիպուած էր հրաժարուիլ Մոսկուայի միտրոպոլիտութեան կառավարութիւնից: Այդ պատճառով և նա ստիպուած է հրաժարուիլ նաև թեմական գործերից, իբրև Մոսկուայի աւագ-քորեպիսկոպոս և հանգստանալու երթալ:

* *

Միտրոպոլիտութեան օրջաններ: — Ռուսաց Սինօդի վերջին հերթական նիստերից մէկում որոշուած է բաժանել ամբողջ Ռուսաստանը ութ միտրոպոլիտական շրջանի, — Պետրոգրադի, Մոսկուայի, Վիլնայի, Կազանի, Կիևի, Տօբօլսկի, Իրկուտսկի և Կովկասեան: Նոր միտրոպոլիտները Սինօդի նիստերին կհրաւիրուեն հերթով, իւրաքանչիւր տարի: Միտրոպոլիտների մօտ կսահմանուի արքեպիսկոպոսական խորհուրդներ:

Առ այժմ անորոշ է, թէ ինչ եղանակով կմուծուի այդ նոր հարցի լուծումը: Սինօդի աւագ-դատախազ Վօլժինն անհրաժեշտ է համարում օրէնսդրական ճանապարհով լուծել հարցը: Արքեպիսկոպոսների մի խմբակցութիւն, որոնց գլուխ է կանգնած Վլադիմիր միտրոպոլիտը, ընդհակառակն, այն միտքն են առաջ մղում, թէ այդ ծրագիրն առաջ տանելն ու հարցի լուծումը կախուած պիտի լինի միայն եկեղեցու բարձրագոյն վարչութեան իրաւասութիւնից: Այդ հարցը կը լուծուի վերջնականապէս Սինօդի մօտիկ նիստերից մէկում:

* *

Վարչական շրջաններում խօսում են, որ Սինօդի աւագ-դատախազ Ա. Ն. Վօլժինը ի մօտոյ թողնում է իւր պաշտօնը:

* *

Ամուսնալուծական դատավարութեան բարենորոգման մասին մեակած օրինագիծը, որի մասին գրուած է «Արարատի» նախորդ համարում, արդարադատութեան նախարար Ա. Ա. Խվօստովը ուղարկել էր Սինօդի աւագ-դատախազին վերջնական եզրակացութեան:

Սխնդուժ կազմուած այդ խնդրով զրադուող յատուկ Յան-
Յնաթողովը, քննութեան առնելով առաջարկուած օրինագիծը, հա-
մարեա ամբողջապէս հաւանելի և ընդունելի գտաւ:

ԱՆՂՂԻԱԿԱՆ ԵԿԵՂԵՑԻ.

Անգղիական եկեղեցու համայքներն այցելելու և եկեղեցիների
վիճակին ի մօտոյ ծանօթանալու համար Հիւսիսային և Միջին
Եւրոպայի Անգլիկան եկեղեցու Եպիսկոպոս Հերբերտ Բարրին,
մայիսի 10-ին այցելեց Պետրոգրադի Պիտրիմ միտրոպոլիտին:
Անգլիկան Եպիսկոպոսին ուղեկցում էր Պրավօսլաւ եկեղեցուն քաջ
ծանօթ և արեւելեան ու անգլիկան եկեղեցիների սերտ յարաբե-
րութեամբ իրար մօտեցնելու գաղափարն երկար ժամանակից ի
վեր արծարծող Միստեր Բիկերդը:

Միտրոպոլիտ Պիտերիմն ընդունեց իւր Անգղիացի հիւրին
ընդունելութեան դահլիճում մեծ սիրով և ջերմ համակրութեամբ,
որի հետ երեք անգամ ողջարգութեամբ: Միտրոպոլիտական
երգչական խումբը երգեց անգղիական օրհներգը, որից յետոյ Հեր-
բերտ Եպիսկոպոսի առաջարկութեամբ, երգեցին ռուսական օրհ-
ներգը:

Բարրի Եպիսկոպոսը յանուն Անգղիական Եպիսկոպոսական
եկեղեցու իւր պաշտօնակիցների շնորհաւորեց Պիտրիմի միտրո-
պոլիտութիւնը՝ մայրաքաղաքի թեմում:

Երեկոյեան ժամը 8-ին Միտրոպոլիտ Պիտրիմը փոխ-այցե-
լութեան զնաց անգղիացի Եպիսկոպոսին:

* * *

Հերբերտ Բարրի Եպիսկոպոսը Պետրոգրադի անգղիական
դեսպան սըր Զորջ Բիսկընանի հետ Մոսկուայ գալով, մասնա-
կցելու Մոսկուայի, ի սլատիւ անգղիական դեսպանի կազմած ըն-
դունելութեան և հանգէսներին, այցելեց մայիս 12-ին, Մոսկուայի
անգղիական եկեղեցու աւագերէց Ֆ. Ն. Նօրթի հետ Վերափոխ-
ման Տաճարը, և ներկայ եղաւ Մոսկուայի Միտրոպոլիտ Մակա-
րիյի մատուցած պատարագին և գոհարանական մաղթանքին:

Նոյն օրը Հերբերտ Եպիսկոպոսն ընդունուեցաւ Մեծ Իշխա-
նուհի Ելիզաւէա Ֆէօդորովնայի կողմից:

Երեկոյեան, ժամը 8-ին, այցելեց Մոսկուայի միտրոպոլիտ
Մակարիյին, Տրօյիցկի վանատան մէջ: